



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XVI. De numero Magistrorum Eremitarum S. August. Quiten. Provinciæ.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

tegrus effectus fortiri, & obtinere, ac ab omnibus, & singulis firmiter, atque inviolabiliter observari, & adimpleri debere, nec ab illis ullo unquam tempore, quovis prætextu, occasione, vel causa recedi, aut resiliiri, eademque præsentibus sub quibusvis similibus, aut dissimilibus gratiarum revocationibus, suspensionibus, limitationibus, derogationibus, & aliis contrariis dispositionibus, & etiam per nos, & successores nostros Romanos Pontifices, pro tempore existentes sedemque prædictam sub quibusvis tenoribus, & formis, & cum quibusvis Clausulis, & Decretis pro tempore factis minime comprehendi, vel confundi, sed semper, & perpetuo ab illis excipi, & quoties illæ emanabunt, toties in pristinum, atque validissimum statum restitutas, repositas, & plenarie reintegratas, & de novo etiam, sub quacumque posteriori data quandocumque eligenda concessas esse, & fore, ipsique Ordini Beatæ Mariæ de Mercede suffragari.

§. 4. Sicque, & non alias per quoscumque Judices etiam Causarum Palatii Apostolici Auditores, ac ejusdem S. R. E. Cardinales, etiam de Latere Legatos, Vice-Legatos, ac Sedis Apostolicæ prædictæ Nuncios, judicari, & diffiniri debere; irritum quoque, & inane quicquid secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac quibusvis Apostolicis, & in synodalibus, provincialibusque, & universalibus Conciliis editis specialibus, vel Generalibus Constitutionibus, & Ordinationibus, necnon Regularium Domorum, locorum, & Ordinis hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & Literis Apostolicis illi, illiusque Superioribus, & personis in genere, vel in specie, ac aliis sub quibuscumque tenoribus, & formis, ac cum quibusvis Clausulis, & Decretis, etiam iteratis vicibus quomodolibet concessis, approbatis, & innovatis. Quibus omnibus, etiam si pro illorum sufficienti derogatione alias de illis, eorumque totis tenoribus, specialis, specifica, expressa, & individua, ac de verbo ad verbum, non autem per Clausulas Generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, illis alias in suo robore permanentibus, hac vice dumtaxat specialiter, & expresse harum serie derogamus, cæterisque contrariis quibuscumque.

§. 6. Volumus autem, quod ipsarum præsentium exemplis, seu transumptis, etiam impressis alicujus personæ in dignitate Ecclesiastica constitutæ sigillo, & Notarii publici manu obfirmatis stetur, eademque prorsus fides in Judicio, & extra adhibeatur, quæ eisdem præsentibus adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Pisc. die XXI. Julii MDCXC. Pontificatus Nostri Anno Primo.

XVI. Extenditur senarius numerus Magistrorum ad duodenarium in Quiten. Provincia Eremitarum S. Augustini.

Similis extensio pro Provincia Batava extat Const. ed. 1690., Jan. 21. Pont. 1. Et Provincia Mexicana Inn. XII. Const. ed. 1692. Sept. 28. Pont. 3.

ALEXANDER PAPA VIII.

Ad perpetuam rei memoriam.

EXponi Nobis nuper fecit dilectus filius Philippus de Zamora frater expresse professus, & Procurator Provinciæ Quitensis Ordinis Eremitarum Sancti Augustini in Sacra Theologia præsentatus, quod cum in proximo præterito Capitulo Generali dicti Ordinis anno 1685. celebrato pro eadem Provincia sancitum fuerit, ut ad illam omnia Decreta, quæ pro cæteris Indiarum Occidentalium Provinciis dicti Ordinis edita fuerant extendenda essent; in eodem vero Capitulo Generali inter cætera pro Mexicana Provincia ejusdem Ordinis decretum fuerit, quod senarius Magistrorum numerus usque ad duodenarium extenderetur, si tamen desuper hujus Sanctæ Sedis facultas accederet, ipse Philippus Procurator plurimum expedire existimat, ut non obstant. quibusdam fel. rec. Clementis PP. VIII. prædecessoris nostri in simili forma Brevis literis super senario in omnibus fere Indiarum Provinciis præfatis Magistrorum numero non excedendo emanatis, quæ incipiunt, *Admonet nos &c.* duodenarius Magistrorum hujusmodi numerus pro dicta Provincia Quitensi a nobis statuatur, ita tamen, ut quo ad promovendos ad Magisterii gradum hujusmodi postulatio a Diffinitorio faciendâ indispensabiliter requiratur, ac quædam Constitutio rec. mem. Innocentii PP. XI. prædecessoris pariter nostri, quæ incipit, *In suprema &c.* pro eadem Provincia die 17. Martii 1679. edita sub numeris 27., & 28. omnino servetur Nobis propterea dictus Philippus Procurator, etiam nomine dictæ Provinciæ humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

§. 1. Nos igitur ipsum Philippum Procuratorem specialis favore gratiæ prosequi volentes, & a quibusvis excommunicationis, suspensionis, & interdicti, aliisque Ecclesiasticis Sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, ut de cætero senarius d. Provinciæ Quitensis Magistrorum numerus ad duodenarium augeatur, auctoritate Apostolica tenore præsentium concedimus, & indulgemus, ita tamen, ut in reliquis ea omnia, quæ in suprascripta Innocentii prædecessoris Constitutione præscripta sunt, religiose, & exacte serventur, salva semper in præmissis auctoritate Congregationis eorumdem Cardinalium.

§. 2. Decernentes ipsas præsentibus literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore quandocumque spectabit in omnibus, & per omnia plenissime suffragari, & ab eis respective inviolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & diffiniri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præfatis, aliisque quibusvis literis, ac Constitutionibus, & Ordinationibus Apostolicis, necnon præfatorum Ordinis, & Provinciæ Quiten. etiam juramento, confirmatione Apostolica, vel quavis firmitate alia

Dat. 31. Julii
1690. An. 1.

Id Decretum fuerat in Capitulo Generali An. 1685.

Preces Procuratoris, & Provinciæ.

Extensio dicta juxta Inn. XI. Constitutionem faciendâ.

Clausula.

roboratis

roboratis, staturis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis ac ad verbum insertis habentes, illis alias in suo robore permanfuris ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut earundem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in judicio, quam extra illud habeatur, quæ haberetur ipsis præsentibus si forent exhibitæ, vel ostensæ.

Datum Romæ apud S. Mariam Majorem sub Annulo Pisc. die XXXI. Julii MDCXC. Pontif. Nostri Anno Primo.

XVII. Conceduntur Privilegia Capellanis Communibus Sanctitatis Sux.

Hinc similes sunt Const. Inn. XI. ed. 1680., Mar. 13. Pont. 4. Et Inn. XII. ed. 1693, Dec. 4. Pont. ut supr. Tom. 7. pag. 238.

Dat. 2. Aug. 1690. An. 1.

ALEXANDER PAPA VIII.

Ad futuram rei memoriam.

GRata familiaritatis obsequia, quæ dilecti filii Joachinus Tenacciolus Presbyter Civitatis Castellii Canonicus Collegiatae Ecclesiæ Sancti Nicolai in Carcere Tulliano de Urbe, ac Carolus Emidius Ridolphus Afculan. Hieronymus Novarien. respective Civitatum, vel Diocesum, Joannes Dominicus Cozzardus Romanus, & Bernardinus Brusetti Venerus Presbyteri Moderni Capellæ nostræ Pontificiæ Capellani, familiares nostri Nobis, & Apostolicæ Sedi hæcenus impenderunt, & adhuc sollicitis studiis impendere non desistunt, necnon vitæ ac morum honestas, aliæque laudabilia probitatis, & virtutum merita, quibus eorum personas tam familiari experientia, quam etiam fide dignorum Testimoniis juvari percepimus, Nos inducunt, ut illis reddamur ad gratiam liberales.

Hinc est (quæ sequuntur vide in laudatis Constitutionibus.)

Datum Romæ apud S. Mariam Majorem sub Annulo Pisc. die II. Aug. MDCXC. Pontificatus Nostri Anno Primo.

XVIII. Prohibetur, ne augeantur, vel diminuatur sine S. Sedis licentia onera solvi solita arario Hospitalis Sancti Joan. Hierosolymitani.

Concessa fuit facultas recipiendi nonnullos Magno Magistro ab Inn. XI. Const. ed. 1686, Jun. 25. Pont. 10. Et ab Inn. XII. edita fuere nonnullæ Ordinationes contra frequentem receptionem ad habitum Const. ed. 1697. Maji 11. Pont. 7.

Dat. 5. Aug. 1690. An. 1.

ALEXANDER PAPA VIII.

Ad perpetuam rei memoriam.

Causa Constitutionis.

CUM sicut accepimus quamplurimæ, & sane gravissimæ expensæ, quas Hospitale Sancti

Joannis Hierosolymitani, juxta laudabilia ipsius instituta, tam pro assiduis Hospitalitatis officiis in proximis exercendis, quam pro diuturnis ad Catholicæ Fidei defensionem, & propagationem, adversus Christiani nominis hostes gerendis bellis sustinere cogitur, certos ejusdem Hospitalis redditus in contributionibus, responsionibus, aliisque quovis nomine nuncupatis oneribus per Priores, Bajulivos, ac Præceptores, seu Commendatarios dicti Hospitalis communi arario ipsius Hospitalis solvi consuetis, ac dudum super Prioratibus, Bajulivatibus, & Præceptoris, seu Commendis Hospitalis præfati vigore statutorum, seu stabilimentorum, ac Ordinum Capitularium ejusdem Hospitalis auctoritate Apostolica confirmator., seu alias auctoritate præfata imposit. consistentes, longe excedant: Nos ejusdem Hospitalis indemnitari, ac simul ne majoribus oneribus Priores, Bajulivi, ac Præceptores, seu Commendatarii præfati, his præfertim calamitosi temporibus prægraventur, quantum cum Domino possumus providere volentes, motu proprio, & ex certa scientia, ac matura deliberatione nostris, deque Apostolicæ potestatis plenitudine, ne de cætero Magnus Magister, ac Conventus Fratres, Consilium, Capitulum Generale, & alia Tribunalia quæcumque, aliæque quælibet quavis præminetia, & potestate fungentes, personæ Hospitalis præfati sub quovis quæsto colore, causa, vel prætextu absque nostra, seu Romani Pontificis pro tempore existentis licentia, Constitutiones, responsiones, aliæque onera præfata super Prioratibus, Bajulivatibus, Præceptoris, seu Commendis, & aliis quibuscumque beneficiis Hospitalis prædicti, ut præfertur imposita, augere, vel diminuere, seu ut augeantur, seu diminuatur permittere, aut consentire audeant, seu præsumant sub excommunicationis lætæ sententiæ pena per contrasfacientes eo ipso absque alia declaratione incurrenda, tenore præsentium interdicens, & prohibemus. Præterea, quod de cætero contributiones, responsiones, aliæque onera prædicta communi arario dicti Hospitalis, prout hæcenus observatum fuit, omnino solvi debeant, earundem tenore præsentium statui-mus, & ordinamus.

§. 1. Mandantes propterea dilectis filiis Magno Magistro, & Consilio dicti Hospitalis, omnibusque aliis, ad quos spectat, & pro tempore spectabit, ut easdem præfatas literas in Cancellaria ejusdem Hospitalis recipiant, & admittant, ac registrent, recipique, & admitti, ac registrari curent, & faciant.

§. 2. Ac decernentes ipsas præfatas literas, & in eis contenta quæcumque de subreptionis, vel obreptionis, aut nullitatis vitio, seu nostræ, aut Sedis Apostolicæ intentionis, vel quocumque alio defectu notari, redargui, impugnari, in Jus, vel controversiam revocari, aut adversus illas quodcumque Juris, facti, vel gratiæ remedium impetrari minime posse.

§. 3. Sicque ab omnibus censeris, & per quoscumque Judices Ordinarios, & Delegatos, etiam causarum Palatii Apostolici Auditores, ac quæcumque dicti Hospitalis Tribunalia, necnon S. R. E. Cardinales, etiam de Latere Legatos, distæque Sedis Nuntios, & quovis alios quacumque auctoritate fungentes, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiti debere; ac irritum, & inane si secus super his a quocumque quavis auctoritate scienter, vel ignoranter contigerit attentari; salva tamen eisdem Magno Magistro, & Consilio facultate in casibus particularibus, prout æquitas, & justitia exegerint, & dummodo trium saltem ex quatuor partibus ipsius Consilii per secreta suffragia præstandus ad id accedat assensus, providendi.

§. 4. Non obstantibus Constitutionibus, &

Prohibitio prædicta motu proprio facta sub excommunicationis pœna.

Confirmatio præsentium literarum.

Clausulæ.

Excipiuntur casus particulares.

Or-